



Inatsisartuni ilaasortaq
Sara Olsvig
Inuit Ataqaṭigiit

Camp Century-mi mingutsitsineq pillugu § 37 naapertorlugu apeqquṭeqaat nr. 2016-215-imut akissut

18-08-2016
Sagsnr. 2016-12373
Dok. Nr. 3311619

Asasara Sara Olsvig

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pann@nanoq.gl
www.naalakkersuisut.gl

8. august 2016-imi Camp Century-mi mingutsitsineq pillugu Naalakkersuisunut apeqquṭeqaateqarput.

Apeqquṭit uannut akissannorlugit innersuunneqarput. Akissutit Inuusutissarsiornermut, Suliffeqarnermut, Niuernermit Nunanullu Allanut Naalakkersuisoq suleqatigalugu suliarineqarput.

Apeqquṭitit matuma kinguliani sukumiisumik akissuteqarfigineqarput.

1. Naalakkersuisut paasisat saqqummiunneqartut mingutsitsisinnaanerillu pillugit pisortatigoortumik qanoq ilisimatinneqarsimappat?

Naalakkersuisut ilisimatuut allaaserisaata: "*The abandoned ice-sheet base at Camp Century, Greenland, in a warming climate*" saniatigut paasisutissanik allanik nutaanik tigusaqanngillat. Naalakkersuisut Camp Century-mut atatillugu eqqakkat, allaaserisami allaaserineqartut annertussusaannik suussusaannilluunniit pisortatigoortumik ilisimatinneqarsimangillat, aammalu Naalakkersuisut Danmarkimit USA-milluunniit mingutsitsinerup annertussusianut naliliinernik uuttuinnilluunniit nutaanik tigusaqarsimangillat.

2. Naalakkersuisut qanoq iliussamaarpat?

Paasisutissat ilisimatuut allakkiaani allassimasut atuarlugit annilaarnartorujussuuvoq. Sakkutooqarfimmi tassani, USA-miit Danmarkimut tunniunneqarsimasumi avatangiisit annertuumik mingutsinneqarsimasut paasinarpoq. Danmark imaluunniit USA mingutsitsinerup annertussusianik misissuinissamut, mingutsitsisoqarsimappalluunniit saliisoqarnissaanut akisussaasuunersoq, Naalakkersuisut ukiuni arlalinngortuni danskit naalakkersuisuinut paasiniartarsimagaluarpaat. Sumiiffimmi mingutsitsisoqarsimappat akisussaaffik inissinniarlugu, kiisalu sumiiffimmi misissueqqinnissamut saliinissamullu akisussaaffiup inaarutaasumik inissinnissaa anguniarlugu paasiniaaneq Naalakkersuisut ingerlateqqissavaat.

**3. Naalackersuisut pineqartumut ilisimatuussutsikkut ilisimasat danskit
naalackersuisoqarfiineersut kisiisa isumalluutigineqannginnissaat pillugu
Nunatsinnit aallaaveqartunik suliaqartitsinissaq siunniunniarpaat?**

Immikkoortoq 2-mut akissut innersuussutigineqarpoq.

**4. Camp Centuryp siunissami mingutsitsinissaata pisinnaasaq tamaat
annikillinissaanik Naalackersuisut qanoq piunasaqaateqarniarpat?**

Immikkoortoq 2-mut akissut innersuussutigineqarpoq.

**5. Camp Centyryp salinneqarnissaanik Naalackersuisut
piunasaqaateqassamaarpas?**

Immikkoortoq 2-mut akissut innersuussutigineqarpoq.

**6. Paasisat nutaat pillugit danskit amerikamiullu Naalackersuisui
attaveqarfigineqarpat?**

Immikkoortoq 2-mut akissut innersuussutigineqarpoq.

Inussiarnersumik inuulluaqqusillunga

Mala Høy Kúko